

# Vischnaunca da Trun

**Regulativ Biblioteca Trun**



**2006**

# CUNTEGN

## A. Disposiziuns generalas

pagina

Art. 1	Num e purtadra	3
Art. 2	Egualitad dallas schlatteinas	3
Art. 3	Intent ed incarica	3
Art. 4	Purschida	3
Art. 5	Tecnica bibliotecara	3

## B. Organisaziun

Art. 6	Survigilanza	3
Art. 7	Cumissiun da biblioteca	4
	a) cumposiziun	4
Art. 8	b) incarica	4
	c) cumpetenzza	4
Art. 9	Caubibliotecara Bibliotecaras	4

## C. Diever, localitads e finanziaziun

Art. 10	Diever	5
Art. 11	Reglament da diever	5
Art. 12	Localitads	5
Art. 13	Entradas	5
Art. 14	Expensas	5
Art. 15	Preventiv e quen	5

## D. Determinaziuns finalas

Art. 16	Cass da dispeta	6
Art. 17	Garanzia	6
Art. 18	Approbaziun	6

## **A. Determinaziuns generalas**

### **Art. 1**

*Num e purtadra*

Sut il num „Biblioteca Trun“ exista ina biblioteca che vegn purtada dalla vischnaunca da Trun.

### **Art. 2**

*Egualitad dallas schlatteinas*

Las indicaziuns davart persunas, funcziuns e professiuns en quest regulativ serefereschon ad omisduas schlatteinas.

### **Art.3**

*Intent ed incarica*

La biblioteca intermediéscha cudischa e medias d'informaziun, da scolaziun e da divertiment a carschi, alla giuventetgna ed als affons. Ella presenta quels cudischs ed ulteriurs mieds en ina fuorma plascheivla ed en ina localitad adattada.

Ella survecha ton sco biblioteca da scola sco per emprests publics.

### **Art. 4**

*Purschida*

La purschida duei esser varionta e vegnir cumpletada e renovada regularmein, sinaquei che la biblioteca disponi da cudischs actuals e medias actualas.

### **Art. 5**

*Tecnica bibliotecara*

La sistematica, la presentaziun, la catalogisaziun e la cudischaziun ston s'adattar alla tecnica generala dall'Associaziun Svizra da bibliotecas (SAB).

## **B. Organisaziun**

### **Art. 6**

*Survigilonza*

La survigilonza suprema cumpeta alla suprastonza communal, ferton che la survigilonza directa ei surschada alla cumissiun da biblioteca.

**Cumissiu da biblioteca***a) Cumposiziun***Art. 7**

La cumissiu secumpona da mintgamai in delegau dils suandonts gremis dalla vischnaunca da Trun.

- Suprastonza communal
- Cussegl da vischnaunca
- Cussegl da scola
- Corp d'instrucziun
- Cumissiu per fatgs da cultura

Ils delegai vegnan elegi mintga 3 onns el turnus dallas elecziuns communalas e quei dil cussegl da vischnaunca. La cumissiu seconstituescha sesezza.

La cau bibliotecara assista allas sedutas dalla cumissiu cun vusch cusseglionta. Ella meina il protocol.

Tier egualitad da vuschs dat il president la decisiun e quei senza risguardar sia vusch gia dada.

**Art. 8***b) Incarica*

La cumissiu da biblioteca

- survigilescha tuts fatgs dalla biblioteca
- procura per la publicaziun da plazzas vacantas
- propona l'elecziun dil persunal per mauns dalla suprastonza communal
- relai in reglament da diever (medias) ed ils carnets da duers dil persunal.
- prepara il preventiv annual sco era il rapport da menaschi e presenta tals alla suprastonza communal per approbaziun
- elaborescha ed exequescha en concordanza cun las bibliotecaras in plan da lavur annual
- prepara in reglament per las indemniziuns adequatas dalla cau bibliotecara e dallas bibliotecaras per mauns dalla suprastonza. L'indemnisaziun ei reglada ell'annexa nr.1 da quei regulativ

*c) Cumpetenz*

La cumissiu da biblioteca ha la cumpetenz da contrahar directamein cun autoritads ed instituziuns. Ella ei autorisada da far expensas el rom dil preventiv, approbaus dallas autoritads communalas.

Per damondas da tempra principala drova ei il consentiment dallas instanzas communalas.

**Art. 9***Caubibliotecara  
Bibliotecaras*

La cau bibliotecara meina ensemen cun las bibliotecaras la biblioteca. Lur incaricas e cumpetenzas vegnan fixadas en ils carnets da duers.

## C. Diever, localitads e finanziaziun

### **Art. 10**

*Diever*

Mintga habitont sa far diever dalla biblioteca. El ei denton obligaus d'observar il reglament da diever. Plinavon san era habitonts dallas vischnauncas vischinontas e hosps far diever dalla purschida.

### **Art. 11**

*Reglament  
da diever*

Il reglament da diever fixescha las relaziuns denter il client e la biblioteca, en special il dretg da diever dallas medias, il temps d'avertura, il temps d'emprest, las taxas ed ils castitgs.

### **Art. 12**

*Localitads*

La vischnaunca metta a disposiziun las localitads necessarias e procura per lur manteniment. Il diever dil local sedrezza tenor il reglament pil diever da stabiliments communal.

### **Art. 13**

*Entradas*

Las entradas ordinarias dalla biblioteca secumponan:

- d'ina contribuziun annuala da vischnauncas vischinontas
- dalla contribuziun dil cantun
- dallas taxas d'emprest
- da donnaziuns
- dil recav d'arranschaments en favur dalla biblioteca

### **Art. 14**

*Expensas*

Las expensas ordinarias secumponan ord:

- la cumpra da cudischs e d'indrezs
- ils cuosts per material
- las indemnisaziuns dallas collaboraturas
- las expensas da propaganda

### **Art. 15**

*Preventiv e quen*

Preventiv e quen dalla biblioteca vegnan integrai el quen communal.

## **D. Disposiziuns finalas**

### **Art. 16**

*Cass da dispeta*

Davart cass da dispeta decida en emprema instancia

- la cumissiun da biblioteca en fatgs che pertuccan lecturs,
- la suprastonza communal en fatgs che pertuccan la cumissiun da biblioteca ed il persunal.

### **Art. 17**

*Garanzia*

La vischnaunca garantisce per las obligaziuns che sresultan en connex cun la biblioteca, aschinavon che las perscripziuns vegnan observadas. Ils commembers dalla cumissiun e la caubibliotecara portan negina responsabladad finanziaria persunala, aschilunsch ch’ei setracta buca da falliments commess sapientivamein.

### **Art. 18**

*Entrada en vigur*

Quest regulativ da biblioteca ei vegnius approbaus dil cussegl da vischnaunca en la seduta dils 28-08-2006.

El remplazza il regulativ da biblioteca dils 01-06-1996.

Quest regulativ passa en vigur ils **01-07-2007**.

## **En num dalla suprastonza communal Trun**

Il president  
Donat Nay

Igl actuar  
Plazi Decurtins